



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
**OPĆINA CENTAR SARAJEVO**  
**OPĆINSKI NAČELNIK**

## **PRAVILNIK**

# **ZAŠTITE OD POŽARA JEDINSTVENOG OPĆINSKOG ORGANA UPRAVE I OPĆINSKIH SLUŽBI OPĆINE CENTAR**

Sarajevo, septembar, 2019. godine

Na osnovu člana 24. stav 1. Zakona o zaštiti od požara i vatrogastvu ("Službene novine FBiH" broj: 64/09), člana 15. Zakona o principima lokalne samouprave u F BiH (Službene novine F BiH broj 49/06 i 51/09) i člana 69. Statuta Općine Centar – prečišćen tekst (Službene novine Kantona Sarajevo broj 23/04) Općinski načelnik, donosi

## **PRAVILNIK O ZAŠTITI OD POŽARA**

### **I - OPĆE ODREDBE**

#### **Član 1.**

Pravilnikom o zaštiti od požara (u daljem tekstu: Pravilnik), u skladu sa zakonom i tehničkim propisima, uređuje se način ostvarivanja prava i obaveza organizovanja, provođenja i unapređenja zaštite od požara u Općini Centar Sarajevo (u daljem tekstu Općina).

#### **Član 2.**

Zaštita od požara i eksplozije je djelatnost u funkciji zaštite osnovnih ljudskih prava na život i imovinu i niko nema prava da svojom imovinom ili svojim postupcima ugrozava tuđe živote i imovinu opasnostima od požara i eksplozija.

#### **Član 3.**

Općina Centar radi zaštite ljudi i imovine od požara ovim Pravilnikom utvrđuje:

- način organiziranja i ostvarivanja zaštite od požara,
- mjere za provođenje i unapređenje zaštite od požara,
- način upoznavanja zaposlenih lica sa opasnostima od požara na radnom mjestu, prilikom prijema i raspoređivanja na radno mjesto, kao i prilikom premještaja sa jednog na drugo radno mjesto,
- dužnosti i odgovornosti svih zaposlenih lica u provođenju propisanih mjera zaštite od požara,
- obaveza i način stručnog osposobljavanja zaposlenih lica, za provođenje mjera zaštite od požara na radnim mjestima, kao i izradu posebnih radnih uputstava za zaposlena lica koja su raspoređena na radna mjesta za koja se, zbog postojanja povećane opasnosti od požara moraju predvidjeti posebne mjere zaštite od požara,

- zaposleno lice koje je zaduženo da se stara o provođenju mjera zaštite od požara utvrđenim ovim općim aktom te obavezu njegovog stručnog osposobljavanja,
- sadržaj i način donošenja plana zaštite od požara i način provođenja tog plana,
- način vršenja unutrašnje kontrole provođenja mjera zaštite od požara i način vođenja evidencije o provođenju propisanih mjera zaštite od požara,
- mjesto i prostori u kojima mora biti zabrana proizvodnje, korištenja i prenošenje otvorene vatre,
- dužnosti i način ponašanja zaposlenih lica u slučaju pojave požara,
- disciplinsku odgovornost za zaposlena lica zbog nepridržavanja propisanih mjera zaštite od požara.

## **II - NAČIN ORGANIZIRANJA I OSTVARIVANJA ZAŠTITE OD POŽARA**

### **Član 4.**

Zaštita od požara se organizuje i provodi u svim prostorijama zgrade Općine Centar Sarajevo, a koji prema procjeni ugroženosti od požara mogu biti izloženi opasnosti od izbijanja i širenja požara.

### **Član 5.**

Svaki zaposlenik dužan je provoditi mjere zaštite od požara na svom radnom mjestu na način kako je utvrđeno Zakonom, podzakonskim aktima, odlukama, ovim Pravilnikom i drugim posebnim uputstvima upozorenjima i/ili zabranama.

### **Član 6.**

U cilju otklanjanja uzroka, sprečavanja, izbijanja i širenja požara, spašavanja ljudi i imovine ugrožene požarom na zgradi Općine, opremi i instalacijama, kao i prostoru oko njih, primjenjuju se mjere zaštite od požara utvrđene ovim Pravilnikom.

### **III - MJERE ZA PROVOĐENJE I UNAPREĐENJE ZAŠTITE OD POŽARA**

#### **Član 7.**

Za parkiranje vozila u krugu Općine Centar Sarajevo moraju se urediti i označiti odgovarajuća parkirališta. Zabranjeno je parkiranje vozila van uređenih i označenih parkirališta.

#### **Član 8.**

Prilazi do izlaznih vrata, hidranata, vatrogasnih aparata i glavnih razvodnih baterija električne energije moraju uvijek biti slobodni.

#### **Član 9.**

U objektima i prostorijama dozvoljena je upotreba samo onih električnih uređaja i instalacija koji po svojim tehničkim karakteristikama odgovaraju tehničkim propisima i prostornim zahtjevima. Električni uređaji i instalacije moraju biti tako izvedeni i zaštićeni da usljed djelovanja prostornih uslova (vlaga, prašina, zapaljivih gasova, mehanička oštećenja) ne bude ugrožena sigurnost ljudi i objekta.

#### **Član 10.**

Obavezno je redovno, u propisanim rokovima i u skladu sa tehničkim propisima, vršenje kontrole ispravnosti električnih uređaja i instalacija, te otklanjanje uočenih nedostataka, o čemu mora postojati odgovarajuća evidencija.

Opravke i druge radove na električnim instalacijama mogu vršiti samo stručna lica angažovana od strane Općine.

#### **Član 11.**

Izvan radnog vremena svi uređaji za rad moraju biti isključeni.

#### **Član 12.**

Razvodne baterije i ormari moraju imati prekidač na glavnom dovodu električne energije. Sva oprema u razvodnim baterijama i ormarima mora biti označena prema jednofaznoj šemi koja se mora nalaziti u svim razvodnim ormarima. Topivi osigurači ne smiju se krpiti i premoštavati.

### **Mjere pri projektovanju i izgradnji objekta**

#### **Član 13.**

Pri projektovanju i izvođenju radova na adaptaciji i rekonstrukciji Općine primjenjuju se mjere i

normative zaštite od požara propisani Zakonom, tehničkim propisima i standardima za zaštitu od požara.

Elektropostrojenja, instalacije i uređaji treba da budu izvedeni prema važećim tehničkim propisima i standardima za elektrouređaje.

Elektro-motori i drugi uređaji i instalacije moraju biti propisno izvedeni, ugrađeni i zaštićeni shodno odredbama postojećih Pravilnika, a njima mogu rukovati i održavati ih samo obučena lica elektro struke. Prije izvođenja bilo kakvih radova na instalacijama i postrojenjima potrebno je osigurati propisane mjere zaštite od požara.

## **Mjere u procesu rada**

### Član 14.

U procesu preuzimanja od dobavljača, skladištenja i upotrebljavanja roba i drugog potrošnog zapaljivog eksplozivnog materijala, moraju se obezbijediti i provesti mjere i postupci zaštite od požara propisane Zakonom, tehnološkim postupkom i uputstvom proizvođača.

Neophodno je obezbijediti ispravnost tehničkih i sigurnosnih protupožarnih uređaja instaliranih u Općini, čime se obezbjeđuje sprovođenje propisanih mjera zaštite od požara.

U Općini se, kao posebna mjera zaštite od požara u procesu rada, obezbjeđuje izbor materijala i uređaja koji se koriste u procesu rada, a kojima se obezbjeđuje sigurnost od nastanka požara.

U toku radnog vremena obezbjeđuju se posebne prostorije za pušaće.

### Član 15.

U prostorijama Općine neophodno je obezbijediti slijedeće mjere:

- zaključavanje svih elektrorazvodnih ormara i postrojenja odgovarajućim sigurnosnim bravama,
- redovno održavati potrebnu čistoću u prostorijama,
- postaviti potreban broj tabli upozorenja i obavještenja,
- zabraniti upotrebu aparata i uređaja koji imaju otvorena grejna tijela (kao što su grijalice sa spiralama, električna kuhala i sl.) čija bi upotreba mogla da izazove varničenje i pojavu požara i eksplozije,
- zabranjena je upotreba produženih kablova koji nisu u odgovarajućoj protueksplozivnoj izvedbi,
- zabraniti ulaz neovlaštenim licima.

## **Mjere pri skladištenju i manipulaciji zapaljivih i opasnih materija**

### Član 16.

U slučaju potrebe, skladištenje i pretakanje zapaljivih tečnosti obavlja se na način propisan Zakonom o prometu eksplozivnih materijala, zapaljivih tečnosti i gasova te Pravilnikom o zaštiti na radu kao i dr. tehničkim propisima i standardima kojima je regulisana ova materija. Kemikalijama, drugim zapaljivim materijama u Općini mogu rukovati samo lica koja su stručno osposobljena za rukovanje tim materijama.

## **Mjere održavanja i kontrole ispravnosti instalacija i uređaja**

### Član 17.

Neophodno je obezbijediti redovno održavanje i kontrolu ispravnosti instalacija i uređaja u Općini i to:

- Uređaje - opremu, električne instalacije i opremu treba periodično ispitivati shodno odredbama Zakona i tehničkim propisima, a o izvršenim ispitivanjima od strane ovlaštene ustanove, treba voditi propisanu evidenciju,
- redovno obavljanje pregleda ispravnosti opreme, instalacije i uređaja za gašenje i dojavu požara,
- redovna kontrola funkcionalnosti ventilacije prostorija,
- redovna kontrola stanja galvanskih veza metalnih dijelova objekta.

## **Mjere pri izvođenju radova rezanja i zavarivanja**

### Član 18.

Radovi zavarivanja, rezanja, lemljenja i drugi radovi sa otvorenim plamenom mogu se izvoditi samo ako su prethodno obezbijeđene propisane mjere zaštite od požara. Radovi zavarivanja na privremenim mjestima se mogu obavljati samo po prethodno pribavljenom odobrenju izdanom od zaposlenog lica za zaštitu od požara Kantonalne uprave civilne zaštite Kantona Sarajevo. Prilikom obavljanja radova u prostorijama i na instalacijama ukoliko se vrše poslovi rezanja ili

zavarivanja autogenim aparatom ili elektrolučnog zavarivanja potrebno je prilikom obavljanja ovih poslova poduzeti odgovarajuće mjere koje bi spriječile nastanak požara, čiji bi uzrok bio rezanje ili zavarivanje.

Neophodne mjere koje je izvršilac radova (eksterni izvođač) dužan izvršiti pri poslovima rezanja i zavarivanja su:

-prije početka poslova rezanja i zavarivanja potrebno je izraditi elaborate zaštite na radu i zaštite od požara u kojem bi se propisale konkretne mjere, postupci i sredstva za gašenje požara, kao i zaduženja lica koja će u slučaju nastanka požara izvršiti gašenje istog. Izvođenje ovih radova preciznije je regulisano Pravilnikom o izgradnji postrojenja za zapaljive tečnosti i uskladištenje i pretakanje zapaljivih tečnosti,

-kod rada u blizini zapaljivih materija mora se obezbijediti materijal od pada, pretakanje, pojavu varnica i drugo, a po završetku poslova zavarivanja i rezanja pregledati prostor da se u neposrednoj blizini zapaljivih materija ne nalazi skrivena usijana čestica koja bi naknadno mogla izazvati požar,

-boce za plinsko zavarivanje i rezanje moraju se osigurati od pada i udaljene od grejnog tijela (radijator, grijalica, peć i sl) minimalno 5 m, odnosno 10 m od mjesta rada sa otvorenim plamenom.

## **Mjere kod izvođenja radova održavanja elektroinstalacija**

### Član 19.

Radove na elektro instalacijama u cilju održavanja ili izmjene može se vršiti samo prema izrađenom projektu kojeg predhodno treba usaglasiti sa važećim tehničkim propisima kao I na osnovu utvrđenih zona. Ugrađeni materijali mogu da budu samo određene kvalitete koja odgovara projektnoj dokumentaciji.

Radove mogu da vrše samo lica elektro struke koja su osposobljena za ovu vrstu poslova.

## **Mjere zaštite od požara postavljanjem uređaja za gašenje i dojavu požara**

### Član 20.

Svi prostori Općine, a posebno prostorije u kojima se vrši skladištenje i manipulacija roba i drugog potrošnog materijala neophodnih za rad u Općini i prostori arhive, obezbjeđuju se uređajima, instalacijama i opremom za sprječavanje, dojavu i gašenje požara.

### Član 21.

Aparati za gašenje početnih požara postavljaju se u blizini mogućeg izbijanja požara, na uočljivom i vidnom mjestu. Udaljenost između aparata ne smije biti veća od 20 m.

Prijenosni aparati mogu biti smješteni na pod ili postavljeni na zid i to tako da ručka za nošenje aparata ne bude na visini većoj od 1,5 m od poda.

### Član 22.

Općina Centar Sarajevo kao vlasnik/korisnik ručnih aparata za početno gašenje požara, dužna je da obezbjeđi njihovo održavanje i ispitivanje ispravnosti i funkcionalnosti u skladu sa zakonom.

Održavanje aparata obuhvata:

- 1) redovni pregled,
- 2) periodični pregled,

Redovan pregled vrši zaposleno lice za zaštitu od požara Općini Centar i o tome mora voditi propisanu evidenciju.

Periodični pregled se vrši u skladu sa Pravilnikom o izboru i održavanju aparata za gašenje početnog požara koji se mogu stavljati u promet sa garantnim rokom i rokom servisiranja.

### Član 23.

Sva oprema za gašenje požara mora se nalaziti u ispravnom i funkcionalnom stanju, smještena i raspoređena na pristupačna mjesta, propisno označena i obezbjeđena od oštećenja, nenamjenske upotrebe i vremenskih neprilika.

### Član 24.

Zabranjeno je opremu i sredstva za gašenje požara koristiti u nenamjenske svrhe.



## **IV - NAČIN UPOZNAVANJA ZAPOSLENIH LICA SA OPASNOSTIMA OD POŽARA**

### **Član 25.**

Općina Centar Sarajevo je dužna upoznati svakog zaposlenika sa opasnostima od požara vezano za poslove i radne zadatke na koje je raspoređen, kao i sa opremom, uređajima i sredstvima za gašenje požara, praktičnom upotrebom aparata za početno gašenje požara i drugih uređaja za gašenje požara i sa materijalnom i drugom odgovornošću usljed nepridržavanja propisanih mjera zaštite od požara.

### **Član 26.**

Upoznavanje zaposlenika sa opasnostima od požara obavezno se vrši:

- kod zasnivanja radnog odnosa, po bilo kom osnovu, a prije raspoređivanja zaposlenika na poslove i radne zadatke,
- jedanput godišnje za sve uposlenike u cilju obuke i provjere znanja i rukovanja aparatima za gašenje požara,
- za uposlenike koji rukuju robama i drugim potrošnim zapaljivim i eksplozivnim materijama.

### **Član 27.**

Organizaciju i realizaciju obuke i provjere znanja iz oblasti zaštite od požara vrši nadležna institucija, angažirana od strane Općine i u Općini se vodi propisna evidencija.

Obuku i provjeru znanja iz oblasti zaštite od požara mogu vršiti samo osobe sa VSS ili VŠ stručnom spremom koja poznaju zaštitu od požara.

Obuka iz oblasti zaštite od požara sastoji se od teoretskog i praktičnog dijela. Obuka se vrši za sve uposlenike.

### **Član 28.**

Obaveza Općine Centar Sarajevo, da najmanje jednom u dvije godine izvrši obuku i provjeru znanja iz oblasti zaštite od požara svih zaposlenika prema Programu obuke zaposlenika u pravnim osobama, državnim tijelima i drugim institucijama u oblasti zaštite od požara.

## **V – DUŽNOSTI I ODGOVORNOSTI ZAPOSLENIH LICA U PROVOĐENJU PROPISANIH MJERA ZAŠTITE OD POŽARA**

### **Član 29.**

Zaštitu od požara u Općini organizuju, sprovode i unapređuju:

- općinski načelnik,
- Pomoćnik Općinskog načelnika (rukovodilac službe za Javne Nabavke, zajedničke poslove I informatiku, u daljem tekstu: Pomoćnik Općinskog načelnika),
- stručni savjetnik za tehničke poslove, realizaciju investicionih projekata i protivpožarnu zaštitu,
- svi drugi uposlenici.

### **Član 30.**

Općinski Načelnik je odgovoran za organizovanje zaštite od požara, a posebno je dužan da:

- obezbjeduje organizovanje i izvršavanje poslova zaštite od požara na nivou Pomoćnika Općinskog načelnika stručnog savjetnika za tehničke poslove, realizaciju investicionih projekata i PPZ,
- naređuje otklanjanje nedostataka utvrđenih od strane nadležnih organa,
- obezbjeduje sredstva za realizaciju zaštite od požara,
- obustavlja rad u kancelarijama i drugim prostorijama, ako postoji neposredna opasnost za ugrožavanje života zaposlenika i materijalnih dobara izbijanjem požara ili eksplozije,
- odobrava postavljanje odgovarajućih uputstava, znakova opasnosti i upozorenja,
- odobrava obuku i provjeru znanja za sve uposlenike iz oblasti zaštite od požara,
- odobrava ispitivanje sredstava za rad i opreme i elektroinstalacija od strane ovlaštene organizacije u rokovima propisanim Zakonom , tehničkim propisima i standardima,
- odobrava kontrolu ispravnosti i reviziju aparata za početno gašenje požara i uređaja za dojavu požara u rokovima propisanim Zakonom, tehničkim propisima i standardima.

### **Član 31.**

Pomoćnik Općinskog načelnika, prema Pravilniku o unutrašnjoj organizaciji Općinskih službi za upravu i drugih službi Općine Centar Sarajevo, planira, organizuje, objedinjava i usmjerava rad, daje uputstva i odgovara za zakonito, blagovremeno i potpuno i stručno provođenje mjera zaštite od požara, a posebno je dužan da:

- planira organizovanje i izvršavanje poslova zaštite od požara na nivou stručnog savjetnika za tehničke poslove, realizaciju investicionih projekata i protivpožarnu zaštitu i uposlenika,
- organizuje, otklanja nedostatke utvrđenih od strane nadležnih organa,
- planira sredstva za realizaciju zaštite od požara,
- organizuje hitno otklanjanje nedostataka, ako postoji neposredna opasnost za ugrožavanje života zaposlenika i materijalnih dobara izbijanjem požara i eksplozije,

obezbjeduje neposredan pregled mjera i propisa iz oblasti zaštite od požara i neposredno učestvuje u pregledu mjera i propisa iz oblasti zaštite od požara,

planira postavljanje odgovarajućih uputstava, znakova opasnosti i upozorenja,

- planira obuku i provjeru znanja za sve uposlenike iz oblasti zaštite od požara,
- planira ispitivanje sredstava rada i opreme, a naročito kontrolu ispravnosti i reviziju aparata za početno gašenje požara, hidranata, uređaja za javljanje požara i elektroinstalacija od strane ovlaštene organizacije u rokovima propisanim Zakonom, tehničkim propisima i standardima,
- planira rad i predlaže Općinskom načelniku sastav Komisije za unutrašnju kontrolu i sprovođenje mjera zaštite od požara.

#### Član 32.

Stručni savjetnik za tehničke poslove, realizaciju investicionih projekata i protivpožarnu zaštitu, Prema Pravilniku o unutrašnjoj organizaciji Općinskih službi za upravu I drugih službi Općine Centar Sarajevo, obavlja poslove I dužnosti vezane za održavanje instalacija, sredstava I dr. opreme, a u okviru tih dužnosti preduzima I određene mjere zaštite od požara, a posebno je dužan da:

- organizuje izvršavanje poslova zaštite od požara na nivou uposlenika,
- organizuje otklanjanje nedostataka utvrđenih od strane nadležnih organa,
- predlaže pomoćniku Općinskog načelnika obezbjeđenje sredstava i druge prijedloge za otklanjanje nedostataka koji mogu ugroziti bezbjednost ljudi i imovine nastanka požara,
- organizuje hitno otklanjanje nedostataka, ako postoji neposredna opasnost za ugrožavanje života zaposlenika I materijalnih dobara izbijanjem požara i eksplozije,
- po nalogu Pomoćnika Općinskog načelnika (Rukovodilac službe za Javne nabavke, zajedničke poslove i informatiku) učestvuje u neposrednom pregledu inspektora nadležnih za zaštitu od požara,

- organizuje postavljanje odgovarajućih uputstava, znakove opasnosti I upozorenja,
- organizuje obuku I provjeru znanja za sve uposlenike iz oblasti zaštite od požara,
- organizuje ispitivanje sredstava rada i opreme, a naročito kontrolu ispravnosti i reviziju aparata za početno gašenje požara, hidranata, uređaja za javljanje požara I elektroinstalacija od strane ovlaštene organizacije u rokovima propisanim Zakonom, tehničkim propisima i standardima.

### Član 33.

Prioritetni zadaci u provođenju mjera i propisa iz oblasti zaštite od požara od strane uposlenika su:

- poduzimaju, sprovode i pridržavaju se propisanih mjera zaštite od požara na radnom mjestu i u radnom prostoru,
- upućuju prijedloge i zahtjeve Općinskom načelniku u smislu otklanjanja nedostataka koji mogu ugroziti bezbjednost ljudi I imovine nastankom požara,
- blagovremeno budu obaviješteni od strane Općinskog načelnika o poduzetim mjerama i radnjama u cilju otklanjanja uočenih nedostataka,
- Se osposobljavaju i provjeravaju znanje za neposrednu primjenu mjera zaštite od požara, otklanja uzroke pojave požara i njihovih posljedica,
- se staraju o ispravnosti vatrogasnih aparata i upotrebi vatrogasnih uređaja, opreme i sredstava namijenjenih za gašenje požara, te da se sredstva i oprema nalaze na zato predviđenim mjestima i da su pristupačna,
- u radnim prostorijama po završetku rada otklanjaju opasnosti koje bi mogle prouzrokovati požar,
- u toku radnog vremena, prilikom pušenja cigareta, koriste samo namjenski određene prostorije i vode računa o gašenju I odbacivanju ostataka cigareta na siguran način,
- sve kvarove na elektroinstalacijama, uređajima i opremi prijavljuju stručnom saradniku za opće i tehničke poslove kako bi se blagovremeno otklonile potencijalne opasnosti od izbijanja ,
- po primjećivanju požara dužni su prijaviti stručnom saradniku za tehničke poslove , vatrogasnoj jedinici i pristupiti početnom gašenju požara,
- u slučaju požara većih razmjera dužni su pristupiti početnom gašenju požara do dolaska profesionalne vatrogasne jedinice, a zatim učestvovati u spašavanju ljudi i materijalnih dobara bez obzira na kvalifikaciju, radno mjesto ili radno vrijeme.

## **VI - OBAVEZE I NAČIN STRUČNOG OSPOSOBLJAVANJA ZAPOSLENIH LICA ZA PROVOĐENJE MJERA ZAŠTITE OD POŽARA NA RADNOM MJESTU I IZRADA POSEBNIH RADNIH UPUSTAVA**

### **Član 34.**

Općina Centar Sarajevo je dužna da obezbijedi uslove, a zaposleno lice za zaštitu od požara u saradnji sa Načelnikom, pomoćnikom Općinskog načelnika, da organizuje, da svaki zaposlenik, prema posebno utvrđenom programu, bude upoznat sa opasnostima od požara u vezi s poslovima koje obavlja, planom evakuacije, kao i sa mjerama i sredstvima za gašenje, praktičnom upotrebom aparata, uređaja i opreme koja mu je na raspolaganju, te materijalom i drugom odgovornošću zbog nepridržavanja mjera zaštite od požara.

### **Član 35.**

Zaposleno lice za zaštitu od požara je dužno da svaki zaposlenik bude upoznat sa opremom, uređajima i sredstvima za gašenje požara i materijalom i drugom odgovornošću uslijed nepridržavanja propisanih mjera zaštite od požara.

### **Član 36.**

Upoznavanje zaposlenika sa mjerama zaštite od požara obavezno se vrši:

- kod zasnivanja radnog odnosa, po bilo kom osnovu, a prije raspoređivanja zaposlenika na poslove i radne zadatke,
- kod premještanja zaposlenika na druge poslove i radne zadatke, a prije početka rada na tim poslovima,
- kod prijema na praksu i stručnu obuku lica koja nisu u radnom odnosu.

### **Član 37.**

Obavezno je najmanje jednom u dvije godine izvršiti obuku u skladu sa Programom obuke zaposlenika u pravnim licima, državnim organima i drugim institucijama u oblasti zaštite od požara („Službene novine FBiH™, broj:59/10).

## **VII - ZAPOSLENO LICE ZADUŽENO DA SE STARA O PROVOĐENJU MJERA ZAŠTITE OD POŽARA**

### **Član 38.**

Pravilnikom o unutrašnjoj organizaciji Općine Centar Sarajevo, određuje se zaposleno lice za zaštitu od požara koje će da se stara o provođenju mjera zaštite od požara utvrđenih Zakonom i ovim Pravilnikom.

## **VIII - NAČIN VRŠENJA UNUTRAŠNJE KONTROLE PROVOĐENJA PREDVIĐENIH MJERA ZAŠTITE OD POŽARA I NAČIN VOĐENJA EVIDENCIJE O PROVOĐENJU PROPISANIH MJERA ZAŠTITE OD POŽARA**

### **Član 39.**

Unutrašnju kontrolu provođenja zaštite od požara vrši zaduženo lice za provođenje mjera zaštite od požara.

### **Član 40.**

Unutrašnja kontrola provođenja mjera zaštite od požara vrši se redovnim pregledom i uvidom u:

- normativne akte, planove, elaborate i druge normativne akte kojim je regulisana zaštita od požara,
- zapisnik inspekcijskih organa koji vrše nadzor nad provođenjem zaštite od požara,
- provođenje mjera zaštite od požara predviđenih ovim Pravilnikom.

### **Član 41.**

O provođenju propisanih mjera zaštite od požara moraju se od strane zaduženoga lica voditi odgovarajuće evidencije i to:

- o obučenosti zaposlenih lica prilikom stupanja u radni odnos ili promjene radnog mjesta,
- o obuci zaposlenih lica prema Programu obuke zaposlenika u pravnim licima, državnim organima i drugim institucijama u oblasti zaštite od požara,
- evidenciju o redovnom, periodičnom kontrolnom pregledu,
- o redovnoj kontroli i ispravnosti unutrašnje i vanjske hidrantske mreže,
- o redovnoj kontroli sistema aktivne zaštite od požara.

## **IX - MJESTA I PROSTORI U KOJIMA JE ZABRANJENA PROIZVODNJA, KORIŠTENJE I PRENOŠENJE OTVORENE VATRE**

### **Član 42.**

U zgradi Općine Centar Sarajevo, korištenje otvorene vatre i plamena dozvoljeno je samo po odobrenju zaduženoga lica za provođenje mjera zaštite od požara.

## **X - DUŽNOSTI I NAČIN PONAŠANJA ZAPOSLENIH LICA U SLUČAJU POJAVE POŽARA**

### Član 43.

Svaki zaposlenik koji primjeti požar dužan je odmah pristupiti gašenju i lokalizovanju istog ako to može učiniti bez opasnosti za sebe i druge zaposlenike. Ako zaposlenik nije u mogućnosti sam ugasiti požar dužan je obavijestiti ostale zaposlenike i izvršiti dojavu požara dispečerskom centru vatrogasne jedinice, te o nastalom požaru obavijestiti neposrednog rukovodioca.

### Član 44.

Do dolaska vatrogasne jedinice na mjesto požara zaposlenici su dužni:

- da organizuju spašavanje ugroženih lica,
- da organizuju evakuaciju iz ugrožene zone: vrijednosnih papira, novca, tehničke i druge dokumentacije,
- da zatvore prozore, vrata, ventilacione i druge otvore u cilju sprečavanja širenja požara,
- da poduzmu i druge radnje u zavisnosti od trenutne situacije.

### Član 45.

Organizaciju gašenja požara preuzima neposredni rukovodilac kome pomaže lice zaduženo za provođenje mjera zaštite od požara. Ukoliko u gašenju požara učestvuje vatrogasna jedinica gašenjem požara rukovodi rukovodilac akcije gašenja požara. Naredbe i uputstva lica koje rukovodi gašenjem požara obavezni su za sve učesnike u gašenju požara.

## **XI - DISCIPLINSKA ODGOVORNOST ZAPOSLENIH LICA ZBOG NEPRIDRŽAVANJA PROPISANIH MJERA ZAŠTITE OD POŽARA**

### Član 46.

Svaki zaposlenik Općine centar Sarajevo koji ne poštuje odredbe ovog Pravilnika, zakonskih i tehničkih propisa iz oblasti zaštite od požara, te ne provodi propisane mjere zaštite od požara, čini težu povredu službene dužnosti.

### Član 47.

Kao teža povreda službene dužnosti iz oblasti zaštite od požara, smatra se naročito:

- izazivanje požara namjerno ili iz nehata,
- upotreba otvorene vatre i plamena bez odobrenja zaduženoga lica za zaštitu od požara,
- nenamjenska upotreba aparata za gašenje početnih požara i opreme za aktivnu zaštitu i njihovo namjerno oštećenje,
- neprijavljanja požara ili nepreduzimanje mjera za gašenje početnog požara,

- ometanje gašenja požara i spašavanja,
- ostavljanje neočišćenog radnog mjesta po isteku radnog vremena a što može imati za posljedicu izazivanje požara,
- nepristupanje obuci i provjeri znanja iz oblasti zaštite od požara,
- upotreba lako zapaljivih tečnosti i boca tehničkih gasova na zabranjenim mjestima,
- zakrćenje vanjskih i unutrašnjih požarnih puteva, te prilaza do uređaja i opreme za gašenje početnih požara.

## **XII - PRELAZNE I ZAVRŠNE ODREDBE**

### **Član 48.**

Stupanjem na snagu ovog pravilnika prestaju da važe dosadašnji Općinski propisi o zaštiti od požara Općine Centar Sarajevo.

### **Član 49.**

Ovaj pravilnik stupa na snagu danom donošenja.

Broj: 10- /19

OPĆINSKI NAČELNIK

Datum: 17.09.2019.godine

Prof. Dr. Nedžad Ajnadžić

### **Obrazloženje:**

Odredbama član 24. Zakona o zaštiti od požara i vatrogastvu ("Službene novine FBiH" broj: 64/09), utvrđena je obaveza donošenja općeg akta (Pravilnika o zaštiti od požara), u kojem će urediti pitanja koja se odnose na organizaciju i funkcionisanje zaštite od požara u svom objektu. To znači da se njime reguliše vlastita zaštita od požara, tj. zaštita zgrade i prostora koje u svom radu koristi Općina Centar Sarajevo, kao i zaštita zaposlenika Općine Centar Sarajevo. Navedene činjenice pokazuju da Općina centar Sarajevo mora imati lični interes da zaštiti svoju imovinu i svoje zaposlenike od mogućnosti ugrožavanja od požara.

Drugo pitanja koje je veoma važno odnosi se na način regulisanja pitanja predviđenih odredbama tačke 1. do 11. stava 1. člana 24. Zakona. Sva pitanja su regulisana prema vrsti djelatnosti kojom se bavi Općina Centar Sarajevo.